

دائرة مخصوصه

درسعادتده باب عالی جوارنده

محل اداره :

مشرق و قلم

۱۳۲۶

اخطار :

مسلكنزه موافق آثار جديده مع المنوحيه
قبول او انور

درج ايده بين آثار اعاده او انور

ديره، فلسفه، علوم، حقوق، ادبيات و سياستنامه و باطامه كرك سياسي و كرك اجتماعي و مدني احوال و مشوره اسلاميه در تحت ايد و هفته ده بر نشر از انور.

آبونه بدلی

سنه لکی التي آیلنی

ممالک عثمانیه ایچون	۸۰	۴۰	غروش
روسیه	»	۶۰۵	۳۰۵ روبله
سائر ممالک اجنبیه	»	۱۷	۹ فرانق

صاحب و مؤسسری :

ابوالعلا زین العابدین - ح . اشرف ادیب

تاریخ تأسیسی

۱۰ تموز ۳۲۴

درسعادتده نسخه سی ۵۰ پاره در

قبرله دن مقوا بورو ایله کوندریلیرسه سنوی

۲۰ غروش فضله آلیر

دردنجی جلد

۵ ربیع الاول ۳۲۸ پنجمه ۴ مارت ۳۲۵

عدد : ۸۰

تردد و قبول اعترافه مجبور اوله جقلری بر حقیقت قطعیه اولدینی وارسته اشتباهدر .

بوحقیقتی تنویر ایچون برهان منطقی طرزینه قویه لم .

اقیسه منطقیه دن بدیی الانتاج اولان شکل اولک ضرب اولنه تطبیقاً شویله ترتیب ایده لم :

رسول اکرم افندیز حضرتلری برنی ذیشاندر .

چونکه اصلاحات بشریه به مدار اعظم اولان برشریعت جدیده تأسیسنه من طرف الله مأمور بیورلمشدر .

بویله اولان ذوات کرامک هر بری نبی ذیشاندر . بناءً علیه

رسول اکرم افندیز حضرتلری ده نبی ذیشان اولق ثابت اولور .

بوقیاسک مقدمه ثانیه سی بوتون ادیان عننده مسلم الثبوتدر .

مقدمه اولاسی ده : بیانات سالفه مزله قطعاً تقرر ایتشدر . چونکه

اول حضرتک وظیفه مذکوره به من طرف الله مأمور قلنملری

معاصری بولنان هیچ بر فرددن استمداد واقتباسده بولناملریله تعین

ایتمکدهدر . بوعدم استمداد ادعا مزده تبلیغ بیوردقلری علوم ومعارفک

ومأثر جلیله اسلامیته نک برجزؤ مهمنی اولسون فرد آفریده نک سرد

وایفایه قدرتیاب اولمامسیله ثابتدر . زیرا بوکالات واصلاحاتک مؤثر

حقیقیسی فرد آخر اولسه ایله طوغریدن طوغری به کنیدی نشر

وافاضه ایده رک مرجع خاص وعام ؛ متبوع اعظم انام اولوردی .

نصل که بالاطراف ایضاح اولندی .

مناسرتلی اسماعیل حق

...

ایلك مولد شریف جمعیتی نه زمان تشکلی ایتدی؟

منقولات تاریخیه به کوره مولد شریف جمعیتی تشکلی ایلیوبده ولادت جلیله جناب پیغمبری بی تصور منظومه بی احتفالات فائقه ایله اوقومق ، اوقومق عادت مستحسنه سی تاریخ هجرتک التی یوز درت سنه سنده باشلامشدر اوزمانه قدر بویله برعادت یوق ایمش اعظم عامای اسلامیته دن ابن الجزری وابن حجر حضراتی بدعت حسنه اولق اوزره قید واشعار ایتشدر . حتی بویله برمجاسی تشکلی ایله قدر تکلف اختیار اولونسه واعظیات وتکریمات اظهار ایدلسه ینه آذر بیورمشدر . ایشه بوندن صکره بوعادت مستحسنه بین الاسلام شایع اولوب مکة مکرمة ، مدینه منوره ، وشامده وسائر بلاد اسلامیته عشاق محمدیه طرفلرندن غایت مؤثر اوله رق بازلش ولادت جلیله احمدیه منقبتنامه لری اوقودلق وبووسیله جلیله یله درو حانیت عظیمه رسالتپناهیدن استشفاع ایلك دأب دیرین صره سنه کچمشدر .

بوجمیتدن یکانه مقصد تسلیم کرده ارباب اذعان اولدینی اوزره استحصال رضای الهی واستجلاب خوشنودی جناب محمدیدر . بو صورتله توسل و اظهار تعظیات وتبجالاتدن اجور جزایله وفوائد حسنه وجوده کله جکفی عامای کرام عنایات سبحانیه به مغروراً بیان ایتشدر .

مجلس مولده در ذوق ونشاط دل او مجلسده اولور غمدن بری

بعض اهل ضلالتک بوباده ایتدکاری دیدی قودی به قارشویازلمش

اولان « اثبات المحسنات لتلاوة مولد سید السادات » نام اثرده : اوکیلر

حقنده ، بونلرک سوزلرندن کرک ذوقلرینک کرک محبتلرینک هیچ

اولدینی استنباط اولور . واقعا هرشی بدعتدر لکن مولد شریف

اوقومق بدعت حسنهدر . الیوم عموم بلاد اسلامیته تعمم ایدن شو

عادت مرغوبیه قارشو سوزسویلك روا دکلدریه اوزون اوزادی به

دلائل واضحه بسط وتمهید اولنیور و (لاتجمع امی علی الضلالة)

حدیث شریفی مقتضاسنجه بونده اجماع امت واقع اولدینه یقین واردر

دینلیور ذاتاً سرور کائنات علیه اکمل التحیات افندیز حضرتلرینه

عشق ومحبتی اولان انسانلر البته بوعادت جلیله بی تجلیدن کیو طورمن .

سکای زبور وحدت سراخلق جهان عاشق

جهان عاشق ، زمان عاشق ، زمین وآسمان عاشق

فلک عاشق ، ملک عاشق ، بتون حورجنان عاشق

دکل ساده خلاق ، خالق کون ومکان عاشق

دولتمزک تشککندن صکره خلفای عظام عثمانیه حضراتی دخی بوعادت

مقبوله اوزرینه هر سنه شهر ربیع الاولک اون ایکنجی کونی مدبب

بر آلاى اجرا سیله ارکان دولت دخی حاضر بالمجلس اولدقلری حالده

مولدی سلیمان چلبی حضرتلرینک منظومه مبارک سنی احتفالات لایقه

واعظیات فائقه ایله اوقومقنی اعتیاد ایلدیلر . اوزماندنبری هر سنه

اویوم مسعودده بو کوزل عادتک اجرا سنه الحمد لله تعالی دوام اولنمقدهدر

شهر مزک مرکز معالی خلافت اولسی مابسه سیله بوکونه مخصوص

اوله رق تکریماً بش وقته مواقع متعددهدن طویلر آتیه ره رق یوم

مسعودک شرف وشافی اعلان ایدیلور . فضله اوله رق بو هفته اوراق

حوادثده شهر ربیع الاولک اون ایکیسنه شرف مصادف یوم ولادت

سنیه رسالتپناه اعظمی حرمتته دوائر رسمیه دواتک رسماً تعطیل

ایدلسنه مجلس مخصوص وکلاجه قرار ویرلدیکی منظور چشم ابتهاجم اولدی .

رسول جناب کبریا ، نور جمال مولایه اکمل النحایا افندمن حضرتلرینه

قارشو دولت علیه نک ولت اسلامیته نک حسیات تعظیمکارانه سی نتیجه

باهر سنی اولق اعتباریله بوقرار اصابت انار تاریخلرمزه التون قلمله

یازلمه شایاندر . روحانیت جلیله پیغمبری سایه سنده یکی قابینه مزکده

توفیقات آتیه سنه ده برهاندر .

طیبة الاذکارده شوسطر نری اوقومشدم « ربیع الاول اون آینک اون

ایکنجی کونی مدینه منوره ده باب التسا اوکنده میدانه بر کرسی

قورلر جمله اشراف مدینه وقاضی بلده وشایخ الحرم وسائر

اغالر واهالی مدینه علی مراتبهم اوطورلر عود وعبرلر یاقارلر

خطبادن بش ذات نوبته کرسی به چیقوب عربی مولد شریف منظومه سی

اوقورلر دعادن صکره شربتلر ایچیلر . هرکس اولرینه طاغیلیر .

قوشلق وقته قدر دکاتلر آچاماز کیمسه برایشله مشغول اولماز .

طویلر آتیار . شنلیک یابیلیر . بیوک کوچک هرکس لباس فاخرینی

کوب بر بریله معایده ایدرلر . اوکونه غایت تعظیم ایدرلر . اهل مدینه

بویوم مبارکی عید اکبر عد ایدر لر . بو حال قبائل عربده غایت مهم اعمال حسنه دندر .

معلم مرحوم فیضی افندی نه کوزل سویلشدر :

بوکون او یوم مبارکدر که ای ذوات کرام که باهر اللمعان اولدی نیز اسلام بوکون اولندی خرافات باستان منسوخ بوکون ویرلدی اساطیر اولینه ختام بوکون یوجلدی سماواته صیحه توحید بوکون دوکولدی بام کعبه دن اصنام بوروز فیض بروزی کیم ایلز تقدیس متابعان شریعتدن از خواص وعوام بشری ساده ؟ دکل حاملان عرش برین بویوم اقدسه ایلرلر احترام تمام بوکون طائندی شئونات ایزدمتعال که لاشریک در اول ذوالجلال والا کرام

اهل مکّه دخی مولد شریفه چوق تعظیم ایدر لر . حرم شریفده بیوک بر جمعیت متیمنه وجوده کتیر لر تلاوت ایده کلدکاری منظومه لر الک ممتاز شعرای عربک انشاد ایلدکاری اثار اولوب معانی علویسی انسانی مست ایدر مکّه مکرمه دد بویه بر جمعیت متیمنه ده مدعو حاضر بولنش ایدم او ائنده کی نشئه مغویه الا آن خاطره پیرای احترامدر . کرک اهل مدینه کرک اهل مکّه کندیلرینه مصائب دنیویه دن هر نه که توجه ایتسه در حال مولد شریف مجلسی تشکیل و تعظیبات ایله منقبتنامه ولادت احمدیه بی ترتیل ایدر لر و بوسیله مرغوبه ایله عنایات جلیله الهیه و روحانیت سنیه محمدیه التجا ایدرک تضرع و نیاز ایلر لر . اثبات المحسناتده بونک حقنده اوزن اوزادی به مباحثه تصادف اولنور .

سن اول محبوب مولا سین که نور چشم عشاقه غبار در کهکدر کل دولت یار سوله سن اول نور خدا سین که فروغ وجه پاک کدن سراپاروی عالم بولدی بهجت یار سوله بونلر سلطان هر دوسرا صلی الله علیه وسلم افندمن حضرت لرینه اظهار عشق و محبتله وجوده کتیر یله جک شیر اولوب مع هذا ناقدر تعظیبات ، تکریمات کوسترله ینه آذر بومقامه مناسبتی طولایسیله شوقسه جلیله بی ده یازمق ایسترم :

برکون اصحاب کرام حضور سعادته بولندقلری صرده ایچلرندن بری جامع علوم اولین و آخرین اولان فخر عالم صلی الله علیه وسلم افندمن حضرت لرینه « بعض مؤمنلری کور بیورز که خشوع اوزره در ، بعضیلری ایسه خشوعده دکلدر . یار سوله بونک سبی نه در لطفاً بیان بیورکز » تمیسنده بولنجهر سول مبل افندمن « ایماننده حلاوت بولان خشوع ایدر بولیان خشوع ایتمز » بیور مشلدر حقیقته کسب اطلاع ایچون « ایماننده حلاوت نصل بولنور . واکانصل نائل اولنور » معروضاتنده بولندقد « الله ذوالجلاله صدق محبتله نائل اولنور » بیور مشلدر « محبت الله نصل قرانیلیر » استیضاحنه « محبت رسول الله ایله قرانیلیر ای اصحاب ! ای بنم قیامته قدر کله جک امتم سز الله ذوالجلال ورسولک رضاسنی انلره محبتده طلب و التماس ایدیکز » جواب عالیه سی ایراد و جمله بی بوضو رتله ارشاد بیور مشلدر .

آجلدی ینه غنچه دلجوی محبت

تعطیر مشام ایلدی کلبوی محبت

شب تاسحر آرام ایده مزین چنده

سودازده سنبل کیسوی محبت

کمکرده هامون جنون ایلدی عقلی
وحشت نکه دیده آهوی محبت

کلفنج، کبی چاک حجاب ایله رضایا [۱]
یوز کوستر آخر سکا کاروی محبت

بنی هاشمی النسب علیه الصلوة والسلام افندمن حضرت لرینه اظهار محبت و وسیله جلیله اوله جق اولان مولد شریف جمعیت لرینه اناطولی وروم ایلده وخصوصیه شهر مزده اهالی اسلامیه یک زیاده رغبت آناری کوسترمکده در لر که محبت دینییه مالک اولانلرک خوشالانه . جقلری احوالندر .

خلاصه کلام جناب پیغمبر افندمنه وادی تعظیمده نه یاپلسه آذر . عاشق صادق نبوی امام بوضری حضرت لری :

دع ما ادعته النصاری فی نیهیم

واحکم بما شئت مدحافیه واحتکم

وانسب الی ذاته ماشئت من شرف

وانسب الی قدره ماشئت من عظم

فان فضل رسول الله لیس له

حد فیرب عنه ناطق بقم

بیورده رق او ممدوح جلیل الشانی مدح قصد ایدنلره شو یولده انهام مرام ایدیورلر که نصارانک حضرت عیسی صلوات الله علی نبینا وعلیه حقنده ادعا ایتدکاری دعوی کاذبی ترک ایت یعنی انلر پیغمبر لرینی مدح قصدیه حق تعالی ایله خلول و اتحاد و تولید ادعا ایتدیلر ، سن او بقوله ادعاده بولنده - فخر عالم صلی الله علیه وسلم افندمن حضرت لری ایچون مدح و ثنا وادیسنده نه مراد ایدر سهک حکم ایله او محبوب مولانک ذات کریمه ایستدیکک قدر شرف و سعادتدن و عظمت قدر و منزلندن نسبت ایت صاقین افراط ایدرم دیه قورقه ذاتاً اون بی اعظم صلی الله علیه وسلم حضرت لرینک فضائل علویه و محاسن بر کزیده سنی تعداده نطقک مجالی یوقدر بناء علیه هر کس عاجز و قاصر در .

حضرت الله سنی وصف ایلشکن ای حبيب

حدیعی واصفلرک اولسون ستایشخوان سکا

جناب حق جمله مزی کرک کندی ذات اجل و اعلا سی کرک حبيب
ادی رضانی استحصاله موفق بیورسون آمین

حسین وصاف

(۱) بشکطاشده سنان پاشا جامی حظیره سننده مدنون نجار زاده شیخ
رضا افندی حضرت لریدر .